

ያኑሲ ማዶሞ ዳኪንቴ ጳጳሮሴኮ ላሞዓሳ ኪሊቶ ዓይያ ካሮ

ያኑሲ ማዶሞ ዳኪንቴ፣ ጳጳሮሴኮ ሃና ላሞዓሳ ኪሊታ ፃጸፒንቴህ፣ ዲማ ዲማ ቤዘይዳ ሚናኦ ዎዶና ዓኣ ዩሱሴ ጉሙርቁ ጎናሲ ዔኬዘንህሞኬ። ኪሊቴሎኮ ጳጳሪ ማሊያ ሉኡዙሞና ዔርዘያ ማዔዘንህኮ ዔርዘያ ዛሎና ሙኬ ፑርቶ ማዶ ማኪ ዒፃያኬ። ዩያ ሜታሂኮ ጳጳሪ ማዓንዳኔ ጌይንቲ ማሊንታሂ ዩሱሴ ፔ ዓኣፖና ዛጌዘንህኮ ዒ ዔርዘ ዎዶና ፔ ዎዮና ዎይዜ ዓሳ ዔርዜ ባኮይዳፓ ያኑሲና ጎዳ ዩሱሴ ኪሪሰቶሴና ዛሎ ኮይሳ ዔራቶ ዴንቁሂኬ። ሃና ኪሊቶ ፃጸፕ ዓሂ ባሼ ዔርዘኒ ማሊሂ፡- «ኪሪሰቶሴ ላሚ ሙኩሞሴ» ጋዓ ሉኡዙሞ ሃይሶ ዛሎኬ፤ ዩያ ዛሎ ዒ ኬኤዘያ ኪሪሰቶሴ ማዒ ሙኪያ ኔጋሂ ዓሲ ቢያ ጎሜይዳፓ ማዓንዳጉዲ ያኑሲ ኮዓሂሮ፤ ሃሃ ዓይጎ ዓሲያ ባይቃንዳጉዲ ዒ ኮውዎኣሂሮኬ ጋዓኔ።

ማፃኣፔላ ዲማ ዲማ ዓርቁ ባኮ

- ዓይያ ካሮ (1:1-2)
- ዩሱሴ ጉሙርቁ ዓሳ ናንጋንዳ ጎይሂ (1:3-21)
- ሉኡዙሞና ዔርዘ ዓሶ ዛሎ (2:1-22)
- ኪሪሰቶሴኮ ማዒ ሙኪያ ዛሎ (3:1-18)

1 ዩሱሴ ኪሪሰቶሴም ማዳያ ማዔሂና ዒዛ ማዶሞ ዳኪንቴ ሲሞኦኔ ጌይንታ ጳጳሮሴይዳፓ፡-

ኑ ያኑዛሂና ኑኡኮ ጳጳሪሂ ዩሱሴ ኪሪሰቶሴፓ ጳጳሪ ዒሉሞ ዛሎና ኑ ዴንቁ ጉሙርቁያጉዴያ ማዔ ቦንቲንቴ ጉሙርቁያ ዴንቁዘንህሞ፤

2 ያኑሲ፤ ሃሃ ኑ ጎዳሂ ዔሪሂና ሃሃ ዒዛይዳፓ ማዔ ያኑሲኮ ኮሹሞ ዒንጊያና ኮሹሞና ዒንሂሞ ዲቦንጎ።

ያኑሲኮ ዔኤሊያና ዶኑሪያና

3 ፔ ቦንቶና ሃሃ ፔ ኮሹሞና ኑና ዔኤሊሂ፡ ዒዛ ኑ ዔሪሂሮ ናንጊንታ ጎኔ ዓያና ዓሲ ማዒሂንታም ኮይሳ ባኮ ቢያ ፔኤኮ ያኑሱሞ ዎልቆና ኑሞ ዒንጌኔ።

4 ዩንሂ ኑሞ ዒንጊንቴ ባኮንሂ ዛሎና ጎይይዳ ዓኣ ፑርቶ ሱኡኮይዳፓ ዔቁያና ማሊያ ላቢሳ ባኮይዳፓ ዒንሂ ቶሊ፣ ያኑሲ

ናንጋ ጎይዎጉዲ ዲንሢያ ናንጋያ ማዓንዳጉዲ ቦንቸንቴያና ሃሣ ማርገገና ጳጳሴግ ማዕ ሃጊ ማዓንዳ ዎዞ ኑሞ ዲዚ ዲንጌኔ።

5 ዬያ ዛሎሮ ጌዲጋጋ ሃይጋ ሊካ ጋይዲንታ ባካ ዲንሢሞ ቃሲንታንዳጉዲ ኮዑዎቲ፤ ያኦሲ ጉሙርቂሢዳ ኮሹሞ፣ ኮሹሞይዳ ዔራቶ።

6 ዔራቶይዳ ፔና ቆሊሢ፣ ፔና ቆሊሢዳ ጊቢ ዳንዳዒሢ፣ ጊቢ ዳንዳዒሢዳ ዓያናና ዓኣ ዓሲ ማዒሢ።

7 ዓያናና ዓኣ ዓሲ ማዒሢዳ ዎሊም ዓዳ ጌርሲና ጌሮናጉዲ ማሊሢ፣ ጌርሲና ጌሮናጉዲ ዎሊም ማሊሢዳ ናሹሞ ቃሱዎቲ።

8 ዬንሢ ባኮንሢ ዲንሢዳ ማርገገና ዓኣቶ ኑ ጎዳሢ ዬሱሰ ኪሪሰቶሴ ዲንሢ ዔሬ ዔራታ ጋሣ ባኣዚ ባኣያና ዓኣፒ ዓኣፑዎያ ዲንሢ ማሃዓኬ።

9 ዬንሢ ባኮንሢባኣ ዓሲ ጋዓንቴ ሃኬ ዓኣ ባኮ ዛጋጊ ዳንዳዑዎያ ዓኣፒ ባይቄ ዓሲኬ፤ ሃያኮ ቤርታ ዲቦ ጎሞይዳጋ ማኣሪንቴ ጌኤሽኬሢያ ዲ ዎሊኔ።

10 ዬያሮ ታ ዲሾንሦ! ታ ሚሾንሦ! ዲንሢኮ ዔኤሊንቴያና ደኦሪንቴያ ዔራሪ ማርገገና ደዲዎቲ፤ ያዲ ዲንሢ ማዕቶ ፔቲታያ ደቢንታዓኬ።

11 ዬያይዲያና ኑና ዳቂሻ፣ ጎዳ ዬሱሰ ኪሪሰቶሴኮ ናንጊና ናንጋያ ማዕ ካኣቲሞይዳ ጌላጊ ጉቤ ቢታንቶ ዲንሢሞ ዲንጊንታንዳ።

12 ዎዚ ሃንሢ ባኮንሢ ዲንሢ ዔራያና ዓርቄ ጎኑሞና ደዲ ናንጋያ ማዕቶዎ ዬያቶ ዲንሢሞ ኬኤዚ ጳቂሥሢ ታ ዎላዓኬ።

13 ታኣጊ ሽሞፖና ዓኣፖ ዲንሢ ቢያ ኬሊ ጴቻንዳያ ታና ኮይሳኔ ጌዲ ታ ማላኔ።

14 ኑ ጎዳሢ ዬሱሰ ኪሪሰቶሴ ታኣሞ ዳዌ ጎይዎና ሃሮ ዓጮይዳጋ ዑኬና ሃይቄ ታ ደማዳንዳሢ ታ ዔራኔ።

15 ሃሢ ታ ዲንሢሞ ደዲሺ ኬኤዛሢ ሃይቄ ታ ዲንሢዳጋ ደማዳሢኮ ጊንፃጋ ማዕቲያ ዬንሢ ባኮንሢ ዎሉዎያ ቢያ ኬሊ ዲንሢ ጳቂሣንዳጉዲኬ።

ኪሪሰቶሴኮ ቦንቸ ዓኣፒና ዳንቄ ማርኮንሢ

16 ኑ ጎዳ ዬሱሰ ኪሪሰቶሴኮ ዎልቆና ዲዛኮ ሙኪያ ዛሎ ኑ ዲንሢሞ ኬኤዛ ዎደና ኑ ኑ ቶኣኪና ዲዛኮ ዲጊቻ ቦንቸ ዓኣፒና ዛጊ ማዓንዳኣጋዓቲሞ ዓሲ ዔራቶና ኬኤዚንቴ ሃይሴ ዓርቂቁዎሴ።

17 «ታና ዎዛሳ፣ ታኣጊ ናሽካ ናዓሢ ታኣኮ ሃያኬ» ጋዓ ዑኡዛ ጴኤፖ ቦንቸይዳጋ ዲዛሞ ሙኬ ዎደና ያኦሲ ዓዳሢዳጋ ዲዚ ጋላታና ቦንቸና ዔኬኔ።

18 ዒዛና ዎላ ጌኤዡ ጳኩይዳ ኑ ዓኣዖ ዩኖ ጫሪንጫፓ ሙኩ ሀኡዞ ኑ ኑ ቶኦኪና ዎይዜኔ።

19 ዩኖ ሃሃ ሚርጌና ጎናሳ ያኦሲ ማሊያ ከኤዛ ዓሶኮ ቃኣላ ኑ ኮራ ዓኣኔ፤ ዩኖ ቃኣሎ፡- ሳዓ ካሪ ካሪያ ዡኦጋሢያ ዒንሢኮ ዒና ፖዓንዳኣና ጳሚዳ ፖዓ ፖዒጉዲ ሂርጊ ዒንሢ ዓርቂ ካፔቶ ቃራከ።

20 ቢያ ባኣዚኮ ቤርታ ዒንሢ ጳቂሢ ዔራኒ ኮይሳ ባኣዚ ጌኤዡ ማፃኣፖይዳ ዓኣ ያኦሲ ማሊያ ዓይጎ ማዔቶዎ ፔቴ ዓሲታዖ ፔ ማሊሢና ቡላኒ ዳንዳዑዎያ ማዔሢከ።

21 ዓይጎር ጌዔቶ ጌኤዡ ማፃኣፖይዳ ዓኣ ያኦሲ ማሊያ ቢያ ፔቴታዖ ዓሲ ማሊሢና ከኤዚንቴያቴዎሴ፤ ጋዓንቴ ዓያና ጌኤሺ ዓሶም ከኤዜም ዓሳ ያኦሲዳፓ ዔከ ከኤዜያከ።

2

ሉኡዙሞና ዔርዛ ዓሶ

1 ቤርታኣ ዎደና ዴር ባኣኮይዳ ሉኡዙሞና ያኦሲ ማሊሢ ከኤዛኔ ጋዓ ዓሲ ዓኣሢጉዲ ዒንሢ ባኣኮይዳኣ ሃሢ ሉኡዙሞ ባኮ ዔርዛ ዓሲ ጴዳንዳኔ፤ ዔያታ ባይሲንታ ባንሢ ዔከ ዓኣዳ ሉኡዙሞ ባኣዚ ዔራቶ ደሚና ዔከ ጌላዘንዳኔ። ዩያይዲያና ዔያቶ ሻንቂ ጌኤሹ ጎዳሢታዖ ዔያታ ዔራዎሴ ጌዔም ባይሲንታ ዑከና ዔያቶ ሄላንዳኔ፤

2 ዩያ ዛሎና ሚርጌ ዓሳ ዔያቶኮ ቦርሲሳ ማዳ ማዳንዳኔ፤ ዔያቶኮ ዩያ ማዳይዳፓ ዔቁያና ጎኡሞ ጎይያ ጫሽኪንታንዳኔ።

3 ዩያታ ሉኡዙሞና ዔርዛ ዓሳ ሚኢሹ ዛጊ ጎጋይቂሢዳፓ ዔቁያና ፔኤኮ ከሴ ሃይሴ ከኤዚ ከኤዚ ዎለቆ ዒንሢሲ ጌሺ ሙዓንዳኔ። ያደሲ ዎዴኮ ቤርታፓ ዓርቂ ፑርታ ዎጌ ዔያቶም ጌኢንጎቴ ዓኣኔ፤ ባይሲንታ ሃሃ ዔያቶ ጴጪ ካፒ ዓኣኔ።

4 ያኦሲ ጎሜ ማዴ ከኢታንቸታዖ ዴጌፖ ዳሞይዳ ካኒ ቤራታና ቱኪ ዎጎ ከሎ ካፓንዳጉዲ ከኤሬያፓዓቴም ዔያቶም ሚጪንጎቴባኣሴ።

5 ዩያጉዲ ያኦሲ ሃያኮ ቤርታ ጎሞ ዓሳ ናንጋ ዓጮይዳ ባይሲንቶ ዎኣዖ ዔከ ሙካዖ ጌኤሹሞ ዛሎ ከኤዛ ኖሃ ላንካይ ዓሲና ዎላ ዓይሴያፓዓቴም ቤርታዳ ዓጮም ዒዚ ሚጪንጎቴባኣሴ።

6 ሃሃ ጊንሢ ጎሜ ማዳ ዓሲም ቢያ ዎጊንጎቴሢኮ ኮኣኪንሢ ማዓንዳጉዲ ሶዶኦሚና ጋሞኦራና ካታማ ዲቢንሢ ማዓንዳዖ ሄላንዳኣና ታሚና ሚቸንጎቴ ባይቃንዳጉዲ ዎጌ።

1:18 ማጥ. 17:1-5፤ ማር. 9:2-7፤ ሉቃ. 9:28-35። 2:5 ማገር. ማፃ 6:1—7:24።
2:6 ማገር. ማፃ 19:24።

7 ዓይሢንቴያ ዒፃ ዓሶኮ ቦርሲሳ ማዶ ዛጊ ዒኖና ማሊ ማሊ ማታዲ ናንጋ ጌኤዠሢ፣ ሎኦፃ ጋዓንቴ ዒዚ ዓይሴኔ።

8 ዓይሳሮ ጌዔቶ ዩይ ጌኤዠ ዓሢ ዔያቶ ባኣካ ናንጋኣና ቢያ ኬሊ ዒ ዛጋ ባኮና ዋይዛ ፑርቶ ማዶ ዛሎና ጌኤሺ ማዔ ሾምፓሢ ዒዛኮ ማታዲኔ።

9 ዓካሪ ዩይ ቢያ ያዲ ማዔቶ ያኦሲ ጎኑሞና ካኣሸኪ ናንጋ ዓሶ ደቢሳ ባኣዚዲፓ ዓይሴ፤ ሃሣ ጎሞ ዓሶ ማታሲ ዋጎ ኬሎ ሄላንዳኣና ጌሢ ዋይቲ ካፓንዳቲያ ያኦሲ ዔራኔ።

10 ባሼ ዩኖ ዒኢሳያ ማዔ ዓሶ ማሊያ ሱኡኮ ኩንሣዘንሢና ያኦሲኮ ዔራቶ ቦሃዘንሢና ዋጌም ዒዚ ካፒ ጌሢኔ።

ዩያታ ሉኡዙሞ ባኮ ዔርዛ ዓሳ ጫርቃያና ያቶርቃያና ማዔሢሮ፣ ጫሪንጫ ዋልቄና ዓኣ ማዠንቶ ጫሽካኣና ዔያታ ዒጊጩዋሴ።

11 ያኦሲኮ ኪኢታንቻ ዔያቶይዲፓ ዋልቄና ቢታንቶና ባሻያ ማዔቶዋ ጎዳ ቤርቶይዳ ጫሪንጫ ቢታንታ ዓኣዘንሢ ጫሽኩዋሴ።

12 ዩያታ ሉኡዙሞ ባኮ ዔርዛ ዓሳ ጋዓንቴ ፔኤሮ ማሊ ዒና ዔኪ ዔሩዋ ጫሺ ጫሽካኔ፤ ዔያታ ፒሮና ዓርቂንቴ ባይቃኒ ሾይንቴያ፣ ሃሣ ፔ ሾና ዓይሣ ጎይያ ኩንሣያ ዒናባኣ ካኖ ቦጉዳያኬ፤ ዩያሮ ዔያታ ካኖ ቦዓ ባይቃሢጉዲ ባይቃንዳኔ።

13 ዔያቶኮ ፑርቱሞ ዛሎም ዒንጎ ዋጎ ዔያታ ዔካንዳኔ፤ ዔያቶኮ ዋዛ ቢያ ኬሊ ዓሲ ማሊሢም ኮይሳ ባኮ ኩንሥሢኔ፤ ጌሻያ ማዔ ዓሲም ኮይሳ ባኮና ቢያ ኬሊ ዋዛዲያታዎ ዒንሢ ናሹሞና ሙዓ ሙዎ ቤዘ ዓኣዲያና ዒንሢ ቦርሲሳያኬ።

14 ጎሜ ማዲሢዲፓ ጊንሢም ጎውዋያና ማቾ ሃሣ ዓኒ ማዒባኣ ዓሲና ላሂሢ ሌሊ ዛጋ ዓኣፒ ዔያቶኮ ዓኣኔ፤ ዶዲ ዔቂባኣ ዓሶዋ ዔያታ ደቢሻኔ፤ ሃሣ ሚኢሽ ዛጊ ጎጋይቂሢ ዔራ ዒኔ ዔያቶኮ ዓኣኔ፤ ዩያሮ ዔያታ ጋዳንቂንቴ ዓሲኬ።

15 ዔያታ ፒዜ ማዔ ጎይያ ሃሺ ፑርቶ ማዶሮ ዒዛም ዒንጎ ቦንቾ ማዔ ሚኢሾ ናሽኬ፣ ቢዖሬ ናኣዚ፣ ባኣላኣሜ ጎይያማ ዓኣዲ ደቢንታኔ።

16 ያኦሲ ማሊያ ኬኤዛ ባኣላኣሜ ጋዓንቴ ዒዚ ማዶ ጎሞ ዛሎ ቆዲንቴኔ፤ ሃሣ ጌሰቲ ዔሩዋ ሃራሰኬና ዓሲ ዑኡሲና ዒዛም ኬኤዚ ዒዛኮ ዠኣሹሞ ማዶ ላኣኔኔ።

17 ያኣታ ዓሳ ዓልቃያታዎ ሚጩ ዋርዚጉዳያኬ፤ ሃሣ ዠባሬ ሂዒ ዔኪ ዓኣዳ ሻኣሬጉዳያኬ፤ ዩያሮ ዔያቶ ሻኔ ደሚ ካፒ ዓኣኔ።

2:7 ማዠ. ማፃ 19:1-16። 2:16 ፓይ. ማፃ 22:4-35።

18 ዓይጎሮ ጌዔቶ ዣኣሊ ናንጋ ዓሶ ባኣካገ ኬሰኪ ሙኬዖ ናንገባኣ ዓሶም ጉሪ ማዔ ጳኤፒ ሃይሴ ኬኤዚ ኬኤዚ ማቾ ሃሃ ዓኒ ማዔባኣ ዓሲና ላሂ ዓሲ ማሊሂ ሱኡኬ ኩንሃ ጎይሂና ዔያቶ ጌሻኔ።

19 ጊንሃ፡- «ጎሜ ዓይላቶይዳገ ዒንሂ ኬሰካንዳኔ» ጌዒ ጌዒ ዓሶም ሃጊ ማዓንዳ ዎዛ ዒንጋኔ። ዔያታ ጋዓንቴ ፔ ቶኦኪና ጎሜኮ ዓይሌኬ። ዓይጎሮ ጌዔቶ ዓሲ ባሺንታዖ ባሺሂም ዓይሌ ማዔ ቆለንታኔ።

20 ኑ ጎዳሂ፡ ኑና ዳቂሽ ዩሱሰ ኪሪሰቶሴ ዔሪ ሳዖይዳ ዒኢሳ ባኮይዳገ ቶላዖ ጊንሃ ዩኖ ዒኢሳ ባኮና ዓርቂንቴ ዔያታ ባሺንቴቴ ቤርታኣሰካገ ዑሃ ጊንፃኣሲ ዔያቶም ባሺ ፑርታንዳኔ፤

21 ዓይጎሮ ጌዔቶ ጌኤዢ ጎይዖ ዔሪ ዔያቶም ዒንጊንቴ ዲማጄ ዓይሂዖ ሃሺ ጊንሂም ማዓሰካገ ቤርታ ዔያታ ጌኤዢ ጎይዖ ዔሪዎዖ ዓቴቶ ቃራታዖኬ።

22 «ካኒ ጮኣሽኬ ጮኣዢ ጊንሃ ሙዓኔ» ዩያጉዲ ሃሃ «ጉዲንሂ ዑዖ ማሰቲሰካገ ጊንሃ ደቃሌይዳ ኮላዳኔ» ጌይንቴ ኬኤዚንቴ ኮኦኪንሃ ዔያቶይዳ ጎኔ ማዔ ኩሜኔ።

3

ጎዳ ዩሱሴኮ ላሚ ሙኪዖ ዛሎ

1 ታ ዒሾንሃ! ታ ሚሾንሃ! ሃይ ታ ዒንሂም ፃኣገ ላምዓሲ ኪኢታኬ፤ ላምዖ ኪኢቶ ታ ዒንሂም ፃኣፔሂ ሃንሂ ባኮንሂ ዒንሂ ጳቂሳንዳጉዲና ፒዜ ማሊሂ ዓኣዖ ማዓንዳጉዲ ዒንሂ ጴቻኒ ጌዒኬ።

2 ሃያኮ ቤርታ ዖኦሲ ማሊዖ ኬኤዛ ጌኤዢ ዓሳ ኬኤዜ ቃኣሎ፤ ዩያጉዲ ዳኪንቴ ዓሶ ዛሎና ዒንሂ ዴንቄ ኑ ጎዳሂ፡ ሃሃ ኑና ዳቂሽሂኮ ዓይሂዖዎ ዒንሂ ጳቂሃንዳጉዲ ታ ኮዓኔ።

3 ሃሃ ቢያ ባኣዚኮ ቤርታ ዩያ ባኮ ጳቂሱዎቴ፤ ዩይ ዓይጎይይ ጌዔቶ ጋፒንዖ ኬሎና ቦሃ ዓሲና ፔኤኮ ፑርቶ ሱኡኮ ሌሊ ኩንሃ ጌሻ ዓሲ ሙካንዳኔ፤

4 ዔያታ ሙካዖ፡- « ጎዳ ዩሱሴ ሙካንዳኔ» ጌይንታ ዎዛ ዒንጊንቴባኣዓዳ? ሂዳዖ ሃሂ ዎካ ዓኣይ? ኑኡኮ ቤርታ ዓደንሂ ሃይቄሰካገ ዓርቃዖ ቢያ ባካ ማዢንቶኮ ዓይዖይዳገ ሃኖ ሄላንዳኣና ዓኣማ ጉይዖኬ» ጋዓንዳኔ።

2:22 ኮኣኪ. 26:11። 3:3 ዪሁ. 18።

5 ይያታ ዓሳ ሚርጌ ዋዴኮ ቤርታ ሳዖንታ ጫሪንጮንታ ያኦሲ ቃኣሎና ማዢንቴሂ ሳዚ «ኑ ዔሩዋሴ» ጋዓንዳኔ፤ ሳዓ ማዢንቴሂ ዋኣሂ ባኣካፓ፤ ሃሃ ዋኣሂና ማዢንቴሂ «ዔሩዋሴ» ጋዓንዳኔ።

6 ቤርታዳ ሳዓ ይያይዲያና ዋኣሂና ዔኤዲንቴ ባይቄኔ።

7 ሃሂ ዓኣ ጫሪንጮንታ ሳዖንታ ዓይሂንቶ ዒፃ ዓሳኣ ባይቃንዳ ጋፒንፆ ዋጎ ከሎ ሄላንዳኣና ይያ ያኦሲ ዋልቆና ታሚም ካፒንቴ ዓኣኔ።

8 ዒጊኖንሂዮቴ! ዒንሂ ጋዓንቴ ጎዳሂ ኮራ ፔቴ ከሊ ሺያ ለዔ፣ ሺያ ለዔ ፔቴ ከሊጉዴያ ማዔሂ ይማ ፔቴ ባኣዚ ዋሊፖቴ።

9 ፔቴ ፔቴ ዓሶም ናጋያ ማላሂጉዲ ጎዳ ዩሱሴ ዒዚ ከኤዜ ሃጊ ማዓንዳ ዋዘ ቃኣሎ ኩንሃነ ናጊንዲዋሴ፤ ጋዓንቴ ዓሲ ቢያ ጎሚፓ ማዓንዳጉዲና ሃሃ ፔቴታዖ ዓሲ ባይቁዋጉዲ ዒንሂ ዛሎሮ ጌዒ ዒዚ ጊቢ ካፓኔ።

10 ጎዳሂኮ ከላ ጋዓንቴ ዉሲጉዲ ዔሩዋንቴ ሙካንዳኔ፤ ዩና ከሎና ጫሪንጮ ዴኔፒ ዑኡሲና ዓኣዳንዳኔ፤ ጫሪንጮ ማዢንታኣ ቢያ ታሚና ሚቺንቴ ባይቃንዳኔ፤ ሳዖና ሳዖይዳ ዓኣ ባካ ቢያ ሚቺንታንዳኔ፤

11 ዓካሪ ቢያ ባኣዚ ይያይዲ ባይቃያ ማዔቴ ሂዳዖ ጌኤሹዋና ሃሃ ዓዖናና ዓኣ ዓሲ ማዒ ናንጊሂ ዋይቴ ዒንሂም ኮይሱዋዖ ዓታንዳይ?

12 ዩና ያኦሲኮ ከላ ሙካንዳሂ ጳቂሂ ካፓያና ዒዚ ዑኩ ሙካንዳሂ ዔሪ ማዳያ ማዑዋቴ፤ ዩና ከሎና ጫሪንጮ ታሚና ሚቺንቴ ባይቃንዳኔ፤ ጫሪንጮ ዓኣ ማዢንታ ታዋኮ ያይዳፓ ዔቄያና ዓልቃንዳኔ፤

13 ጋዓንቴ ዲሎዋኮ ማኣሪ ማዔ ዓኮ ጫሪንጮና ዓኮ ሳዖና ዒዚ ከኤዜ ሃጊ ማዓንዳ ዋዘ ቃኣሎ ጎይፆ ኑ ካፓኔ።

14 ዩና ዒጊኖንሂዮቴ! ዩይ ቢያ ማዓንዳ ከሎ ካፒሂዳ ዒንሂ ዓኣቶ ቦርሲሳ ባኣዚ ባኣያ ሃሃ ዒንሂ ቦሂሳ ባኣዚ ባኣያ ማዒ ዒንሂ ዓኣንቴ ጎዳ ዒንሂ ኮሺና ሙኪ ዴንቃንዳጉዲ ደዲ ማዲዋቴ፤

15 ኑ ጎዳሂ ጊቢ ዴዔሂ ዒንሂ ዳቃንዳጉዲ ጌይ ማዔሂ ዋሊፖቴ፤ ናሽኪንታ ኑ ዒሻሂ ጳውሎሴያ ፔኤም ዒንጊንቴ ዔራቶ ጎይፆና ዒንሂም ፃኣፔሂ ዩያኩ።

16 ዒዚ ዩና ዛሎ ፔ ኪኢቶይዳ ቢያ ሃማ ጎይፆ ፃኣፔኔ፤ ዒዛኮ ኪኢቶይዳ ፔቴ ፔቴ ዔራኒ ሜታሳ ባኣዚ ዓኣኔ። ዔራቶ ፓጮ ዓሶና

3:5 ማዢ. ማፃ 1:6-9። 3:6 ማዢ. ማፃ 7:11። 3:8 ዓይኩ. 90:4። 3:10 ማቴ. 24:43፤ ሉቃ. 12:39፤ 1ቴሲ. 5:2፤ ዮሃ. ያፔዳ 16:15። 3:13 ዒሲ. 65:17፤ 66:22፤ ዮሃ. ያፔዳ 21:1።

ሴካ ሃንጋ ጌዲ ሺራ ዓሳ ጌኤዠ ማፃኣፖ ማሊያ ዋቢ ሳሢጉዲ ዬንሢ
ባኮዋ ዋቢ ሳንዳኔ፤ ያዲ ዔያታ ማዲያና ባይቃንዳኔ፤

17 ዒንሢ ጋዓንቴ ዒጊኖንሢኖቴ! ዬያ ቤርታዲ ዔሪሢሮ
ዓይሢንቶ ዒፃ ዓሶ ማሊያይዳ ጌሊ ዒንሢ ደዲ ዔቄ ቤዛፓ
ሎኦሙዋጉዲ ኮሺ ዔሩዋቴ፤

18 ቢያፓ ባሼ ኑ ጎዳሢና ኑና ዳቂሻ ዬሱሰ ኪሪሰቶሴኮ ኮሹሞና
ዒንጊንታ ዒንጊያና ጊንሣ ዒዛ ዔሪሢሮና ዲጩዋቴ፤ ዒዛሞ ሃሢያ
ሃጊያ ናንጊና ቦንቾ ማዖንጎ! ዓኣሜን።

ጌኤዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌኤዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929